



DEO OPTIMO MAX.
UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS
*manè discutienda, in Scholis Medicorum, die Mercurii vigesima-quartâ
mensis Martii, anno Domini M. DCC. LVI.*

P R Æ S I D E.

M. LUDOVICO - PETRO - FELICE - RENATO
LE THIEULLIER, Regis Consiliario, & in Majori Con-
silio, necnon in Magnâ Regiæ Domûs & Franciæ Præfecturâ Me-
dico ordinario, Doctore Medico.

Utrum in Ascite Paracentesim tardare, malum?

I.



UBULIS constat & humoribus corpus organicum. Ejus har-
monia ab utrorumque motu pender. Quâcumque de causâ è
vasis contrâ naturam humor exeat, is vitatur, nisi resolutioni
cedat. Fluctuat, suppurat, induratur humor, & tumorem facit.
Multiplex tumor est. Vel à partibus, vel ab humoribus ortum
habet. A duris partibus, ossium luxationes, nodi, exostoses:

A mollibus, verarum omnis Herniarum species, ab Omento, Intestino, utroque;
& Ventriculo, etiam & Vesicâ. A quatuor humoribus Antiquorum sat bellè
indigitantur tumorum natura, genus, indoles. Phlegmone à Sanguine: à Bile

* *Auctore M. THOMA-BERNARDO BERTRAND, anno 1730.*

A

Erysipelas: Oedema à sero: Melancholico humore Scirrhus. Hisce si jungatur partium varios humores excipientium varia conditio; innumeri alii constituuntur tumores. Signa, quæ ad curationis modum, speciem, tempusque ducunt, desumuntur ex læsionum varietate. Taxi, aut incisione, curatur Hernia, quæ vera est: aliusque tumoribus tractandis, rarò sufficiunt Diæta & Pharmacia. Plerisque curandis, ferro & igne plurimum præstat Chirurgia, tertia Therapeutices pars. Synthesi separata conjungit; Diæresi conjuncta separata; Exæresi intus superflua extrahit. Très licet operationes discriminentur, ad perficiendum opus idem* haud infrequenter consociari amant. In teli extractione in corpus immitti; Calculi ex Urethrâ aut Vesicâ; Aquæ, Sanguinis, Puris, è quâdam cavitate; id probatur ultrò, liquetque in Paracentesi. Hæc, Latinis punctio, Exarseseos est species, quæ eo peragitur temporis puncto, quo Diæresis. Continui separatione factâ, Superflui fit ablatio. Sed morbi tempus in quâcumque operatione faciendâ, debet eligi. Vel occasio, Vel opportunitas curationis anima est.

I I.

HUMOR quilibet extrâ vasa latitans, durâ mollive parte conclusus, nisi discutatur, arte educendus est. Ab ictu, aut casu violento, concutitur cerebrum: largâ tunc manu mittitur sanguis, vulneraria adhibentur. Hæc omnia sapienter, tentantur initio: At imperitè, si sola, & funestè tandem; nisi fat citò detur via Terebratione, quâ sanguis, in pus flexi cereus, ejiciatur forâs. In Hydrocephalo, par operandi modus, cerebri substantiam humor modò non penetret. Empyema, sectione pectoris; Leucophlegmatia, tibiæ Scarificationibus; Hydrops oculi, Punctione; Ascites, Paracentesi curantur: sed omnes ex opportunitate. Pus & aquam educebant veteres Medici. Sine ferro primùm, exin cum ferro imponebant Cucurbitulas, ferramentisque candentibus partes exulcerabant: At curationem seriùs auspicabantur. Indè ex leniori humoris educatione, ulcere diuturniori, miserè solvebat morbum Sphacelus frequens. Recentiores Medici, Suppuratos & Hydronicos securiori viâ, minori tedio, ac dolore leviori, sublevant. Scalpello, Lanceolâ, instrumento tandèm Tricuspidè, aut Veruculo, cum argenteâ fistulâ ex utroque extremitatis latere perforatâ, absolunt opus. Qui Veruculo utuntur, rectiùs agunt. Integumentorum fibras separant, non secant acumine rotundo, citiùsque sanatur vulnus. Non ampliùs forsàn perficienda operandi methodus; sed nondùm perfectus operationum usus. Pleræque feliciores essent, atque Paracentesis, si tempore celebrarentur convenientiori. Medici est, non tantùm ea, quæ ante pedes modò sunt, videre; sed prospicere futura. In Lithotomiâ, absque maturâ præparatione sapientique consilio, necatur æger. Aut miserè avellitur, aut fingitur calculus; & pro salute mors est. In magnis vulneribus, aut cum; aut sine fracturis; & ab initio, & ad animi deliquium extrahitur sanguis. Sic, quæ solitò fiunt Symptomata, cessant; quæ subsequi solent, præveniuntur.

I I I.

VISCERIBUS quamplurimis refertum est Abdomen, vitiis indè quamplurimis obnoxium. Hæc inter, varia sunt Hydromen genera. Horum contrâ naturam affectuum causæ, læsa sanguiferorum, lymphaticorumque structura; Viscerum obstructio. Tunicis vasa constant retium instar contextis. Quò sanguis diutiùs hæret, eò magis hiat tunicarum textura, diffunditque serum copiosius. Ligata in cane vena jugularis factum probat. Cutem inter capitique membranas & musculorum colli interstitia, serum diffunditur. Lymphatica, si absque ruptione, dilatentur ultrâ modum; cystide conclusus aqueus humor magno crescit volumine, Hydatidasque procreat. Viscerum obstructio impedimenta

3

parit sanguini. Hinc hydrops; qui ab ictero, lethalis. Dissectis Hydropicorum cadaveribus, in Abdomine tumores varii, frequensque Scirrhus. Vitiato diutius fibrarum tono, Interpositis undique obicibus, patentiores fiunt tunicarum pori, morâ ampliantur viæ procliviores. In Leucophlegmatâ venter intumescit, & corpus univfersum: In Tympanitide, tumor flatibus: In Ascite, sæpius Sero, Chylo rariùs effuso, solus primùm distenditur. Hydrops ille, quo, ut in utre, Aqua continetur, sedem habet eo in spatio, quod Peritonæum inter & Intestina vacuum est. Extremis levibusque digitis uno percussus latere Venter, in altero sensum præbet humoris fluctuantis intus. Aquosus ille tumor, retardatâ convenienti curatione, sensim increfcit. Abdomen præter, & Pudenda, & Femora, & Pedes occupat, totumque corporis habitum asfcit. Jàm vehiculo defraudatur purpureus latex, hæret ubique; &, dùm diffuso latè sero immergitur machina, sanguis crassitie mentitur in vasis corallum. Ingruunt febriacula, ut plurimùm urens; vehemens sitis; Urina admodùm pauca, crassa, lateritia; Spirandi difficultas; corporis superiori parte marcor; molesta Tussis. Tot lethalia Paracentesi præcaventur tempestivè factâ. Mochlica his in casibus propinare, sanguinem est exprimere quasi torculo. Sic curati, sanguinis icu repentino sæpè tolluntur. Asciti igitur vetusto nimis, vel recentiori, impar est Punctio. Aut jam desperatus, aut nondùm factus est, morbus. At, ubi primùm est vera certaque feri fluctuatio, constans Ascites declaratur. Hic, adhibitis incassum interioribus remediis, punctum est non procrastinandæ Paracenteseos.

I V.

DETECTO opportunitatis Memento, quis locus Abdominis perforandus? Peculiaris tumor, ab Hernioso, fluctuatione dispar, Punctionis locum notat. Alba linea si prominet, absque periculo pûngitur. Umbilicus ob Exomphalon; Interfectiones tendinosæ, Rectus Abdominis musculus, propter difficiliorem Synthefim; Vasa sanguifera, ob Hæmorrhagiam; ferro attingi nunquam debent. Tuta celebratur Paracentesis medio in spatio, quod anteriorem ossis Ilii Spinam inter & ultimam costam jacer. Decumbente ægro in latus, non sedente; parte prominenti manibus aquarum collectionis ergo compressâ priùs: inibi haud timidè perforet Artifex. Perforatis Abdomine & Peritonæo, illæsis semper intestinis, retrahitur Veruculum: argentea Fistula, mundata priùs, quâ eliciuntur aquæ, in foramine relinquitur. Intacto Peritonæo, nullus, negatâ viâ vacuatur humor. Idèò alterâ Punctione factâ paulò infrâ primam, Veruculo longiori perforatâ tunc membranâ Abdomen intus succinginte; Aquæ fluentes, usque dùm spontè desinant, educendæ sunt. Unâ vice; veteres Medici licet reformidaverint, Humor emittitur. Quandòque tamen mucosa quadam colluvies, Intestini Omentive pars, quid Pinguedinis ossia canaliculi præcludit, & sistitur Serum. Obex faciliè tollitur: immittitur in Fistulam specillum, & fluent Aquæ. Sub operationis finem, manibus Abdomen premitur paulò fortius. Ità exactiùs continentur viscera, exprimiturque serum. Missis aquis, tollitur canaliculus. Vulnusculum splenio aquâ vitæ madido obducitur, & faciliè coit. Pendente à scapulis fasciâ firmatur interdùm mantile corpori circumcinctum: Hoc itè, dùm eliciuntur Aquæ, adhibetur tutò. Per gradus ità compressis, & Diaphragmare, & Abdominis musculis, & Visceribus, præsertim Hepate, Lipothymia præcaverit à Respiratione læsâ. Eductus Humor, quid indè futurum, indicat. Cruentus, Purulentus, Fætidus, Chylosus, humore multiplici permixtus: mali ominis est: Boni verò serofus, lotio similis, non fetens, non copiosior, Euthymis recreetur æger, iisque utatur, quæ Ascitis fomitem debellant.

ANTIQUORUM nonnulli, membranam Peritonæi inimicam Punctionis, Paracentesi spiritus excludi, Infirmari vires, Aquam jocinore affecto frustrâ emitti, pronuntiabant. At; Peritonæum, & in Galtro-raphiâ coalescit: Spiritus, & vires non magis infirmantur, quàm in Phlebotomiâ: Ascites jecoris univrs non vitium est; ex affecto splene, totiusque corporis malo habitu fit. Inanis igitur timoris est talis cautio. Timendum immò, si tardiùs expellatur fluctuans humor, morâ ne noceat diuturniori. Licet non semper sanet extractus, detecto electoque morbi tempore; in Paracentesi tamen una salus, Levat ægrum Aquarum Eductio; locumque facit Medicinæ, quam inclusus intus humor impedit. Asclepiades, Soranus, Themiso, alique, hâc curatione meritò aduersati sunt Erasistrato, Evenori, Thessalo. Testantur sat citò factâ Paracentesi, non paucos evaluisse; plurimosque, tardante consilio medentium, mori. Elatere Solidorum in dies magis debilitato, fibrarum fit Atonia. Perverso præpedito musculationum Abdominis, Diaphragmatis, Pulmonum, motu: Excretiones singulæ, omnisque generis seriantur vitianturque secretiones. Peraçtâ seriùs Paracentesi, prima citò redit morbi facies & aquolus tumor. Interrupto diutiùs serum inter & vasa commercio, nullus tandè datur derivationi locus. Stagnat hebes humor; serum corrumpitur; contingitque tabes, quæ Medicinam nescit. Vitium in substantiâ partium emendare, Nûm humanæ virtutis est? Quorum stomachus jam corruptus est; Qui ex atrâ bile, aut obstructione, vel scirrho veteri in Hepate, Liene, Mesenterio, Pancreate; Qui malum corporis habitum habent; exhausti inediâ; Qui, aut senes, vel à morbo jam vetulto, juniore licet, hûc deciderunt; Paracentesi fortè allevantur, sanantur nunquàm. Quibus immò observantur iis contraria, illi sanari possunt, & plerique sanantur. Natura vigens adhuc, Spontè, Diarrheâ, Urinæ fluxu, Metastasi, Ictu fortuito, Criticam hanc aquarum egestionem molitur. Sic Medicina, Naturæ Imitatio est.

Ergo in Ascite Paracentesim tardare, malum.

DOMINI DOCTORES DISPUTATURI.

*M. Ludovicus-Petrus-Felix-
Renatus le Thieullier, Ac-
tûs Præses.*

*M. Petrus-Ludovicus-Marin
Maloët.*

*M. Alexander - Dionysius
Dienert.*

*M. Cavallus Ceillo de St.
Leger.*

*M. Jacobus-Ludovicus Al-
leauime, Anatomæ & Ar-
tis Obstetriciæ in gratiam
Matronarum Professor.*

*M. Claudius - Franciscus -
Grandelas, Eques, Stanis-
læi Poloniarum Regis, Lo-
tharingiæ & Barri Du-
cis Consiliarius & Medicus.*

M. Guillelmus de Magny

*M. Claudius de la Vigne de
Frecheville, Regiæ Medicus
Primarius, necnon Serenissi-
mæ Delphini ordinarius.*

*M. Emmanuel - Mauriti-
us, du Verney.*

Proponebat Parisiis GUIDO DANIE DESPASTUREAUX, Bituricus, Doctor
Medicus Remensis, necnon Saluberrimæ Facultatis Medicinæ Parisiensis
Baccalaureus, A. R. S. H. 1756, A SEXTA AD MERIDIEM.